

جریدہ علمیہ

مشیت جلیلہ اسلامیہ مکہ جریدہ رسیہ سید
ربیع الآخر ۱۳۳۴ [*]

عدد: ۲۶

آیدہ بر نشر اول نور

اوپن جی سنہ

قوانین و نظامات

برقاج جهندن شخص تقاعد معاشلرینه متدائر و ۱۳۲۵ سنه سی موازنه عمومی سی حقنده کی ۲۷ رجب ۱۳۲۷ تاریخی قانونک ۳۳۵ نجی ماده سنه مذیل قانون [*]

ماده : ۱ عینی شخصک دائره علمیه وعسکریه وملکیه ده وقوع بولان خدماتندن طولای ۱۱ آغستوس ۱۳۲۵ تاریخی ملکیه و ۱۱ آغستوس ۱۳۲۵ تاریخی عسکری تقاعد قانونلرینک نشرندن مقدم مرعی اولان تقاعد قانونلری موجبجه آری آری تخصیص ایدلمش اولان تقاعد وعائله معاشلرینک تخصیص وجهله تأدیسه سنه دوام ازلنه جق وایکی جهندن تخصیص ایدلمش اولان تقاعد معاشلرینک مجموعی بش بیک وعائله معاشلرینک مجموعی دخی ایکی بیک بشیوز غروشی تجاوز ایتیه جکدر .

ماده : اشبو قانونک اجراسنه مالیه ناظری مأموردردر .

[قوه اجرائیه جه ۲۶ ربیع الاخر ۱۳۳۴ و ۱۱ مارت ۱۳۳۰ تاریخنده تنظیم وموقتاً موقع تطبیقه وضع اولنان اشبو قانون لایحه سی ۳۱ کانون اول ۱۳۳۱ تاریخنده مجلس عمومیجه تعدیل قبول ایدلمشدر]

مجلس اعیان ومبعوثانجه قبول اولنان اشبولایحه نک قانونیتی وقوانین دولته علاوه سنی اراده ایلدم . ۱۹ ربیع الاول ۱۳۳۴ و ۱۲ کانون ثانی ۱۳۳۱

محمد رشاد

صدر اعظم
محمد سعید

مالیه ناظر وکیل
طلعت

★ ★

قانون جزانک دردنجی فصلنه مذیل ۱۴ ربیع الاول ۱۳۱۹ تاریخی فقره بی معدل قانون [**]

ماده : ۱ قانون جزانک دردنجی فصلنه مذیل ۱۴ ربیع الاول ۱۳۱۹ تاریخی فقره بروجه آتی تعدیل ایدلمشدر :

« پولیس مأمورلرندن هرکیم کندیسنه عائد اسلحه وجیخانه وهرنوع اشیای امیریهدن برشی ضاتار ویاقصدآ تلف ویا اضاعه ایلر وهرنه سبیل اولورسه اولسون آخره ویرسه

[*] تقویم وقایع ایله نشری تاریخی : ۲۷ ربیع الاول ۱۳۳۴ و ۲۰ کانون ثانی ۱۳۳۱ نومرو: ۲۴۲۶

[**] تقویم وقایع ایله نشری تاریخی : ۱۲ ربیع الاخر ۱۳۳۴ و ۳ شباط ۱۳۲۱ نومرو: ۲۴۴۰

برسینه حبس و پولیس سلکندن طرد اولتور . و صاتیغنی ویا قصداً تلف ویا اضاعه ایلدیکی شیلر صاتیغنی محله موجود ایسه عیناً آنور و مستهلک ایسه بدلی کندیسنه تضمین ایتدیریلور .

بالاده ذکر اولنان شیلری بیلهرک صاتون آلانلر و صاتلش اولدقلرینی بیلهرک اخفا ایلانلر دخی ایکی آیدن آلتی آیه قدر حبس ایله مجازات اولتور . اسلحه و جبخانه و هر نوع اشیا امیره دن برینی ویا جبخانه سنی دکره و نهره دوشورمک ویا حریقدن قورتارماق و بر حادته ائناسنده غائب ایلمک کبی احوالده اهل و تکاسلی تحقق ایدنلر درجه جرمه کوره یکر می دت ساعتدن اوچ آیه قدر حبس و آلتی آیی تجاوز ایتمک اوزره موقتاً مأموریتدن طرد اولتور .

بو قانونک حکمی اعلانی کوننک فرداسندن اعتباراً مرعی الاجرا اوله جقدر . «
[قوه اجرائیه جه ۱۴ محرم ۱۳۳۲ و ۱ کانون اول ۱۳۲۹ تاریخنده تنظیم و موقتاً موقع تطبیقه وضع اولنان اشبو قانون لایحه سی ۱۴ کانون ثانی ۱۳۳۱ تاریخنده مجلس عمومیه تعدیلاً قبول اولمشدر .]

مجلس اعیان و مبعوثانجه قبول اولنان اشبو لایحه نك قانونیتنی و قوانین دولته علاوه سنی اراده ایلدم . ۴ ربیع الاخر ۱۳۳۴ ۲۶ کانون ثانی ۱۳۳۱

محمد رشاد

صدر اعظم
محمد سعید

عدلیه ناظری
ابراهیم

★
★ ★

تکالیف حزیه قانونی موجبجه اهالی و ملتزمین مطلوباتنک ویرکو و اعشاردن متولد دینلریله صورت محسوبی حقیقده قانون [*]

ماده : ۱ تکالیف حزیه قانونی موجبجه بالقان حربی ائناسنده وضع ید ایدیلن بالعموم ذخائر و اشیا و سائر هیه مقابل اعطا ایدیلوب بدلاتی هنوز تسویه ایدلماش اولان مضبطه لر محتویاتی اصحابنک بیک اوچ یوز یکر می طقوز سنه سی غایه سنه قدر سنین سابقه املاک و تمتع ویرکولریله بیک اوچ یوز او توز سنه سی غایه سنه قدر سنین سابقه اعشارندن اولان دینلرینه محسوب ایدیله جکدر .

[*] تقویم و قایم ایله نشری تاریخی ۱۷ ربیع الاخر ۱۳۳۴ و ۸ شباط ۱۳۳۱ نومرو ۲۴۴۵

ماده : ۲ بیک اوچ یوز اوتوز سنه سی غایه سنه قدر سنین سابقه ملتزمیندن تکالیف حربیه قانوننه توفیقاً بیک اوچ یوز اوتوز سنه سنه دخی جهت عسکریه جه وضع ید صورتیه و بدل تقدیریه مضابط مقابلنده اخذ اولنان ذخائر ائمانیه بیک اوچ یوز اوتوز سنه سنه بدل تئلیشه مربوط قری اهالیسندن کئذک عیناً آلنان ذخائر بدلاتی ملتزمین و اهالی مرقومه نك سنین سابقه و بیک اوچ یوز اوتوز سنه سنه اولان و منحصرأ کندیلرینه عائد بولنان اعشار بورجلرینه محسوب ایدیه حکدر .

ماده : ۳ اشبو قانون تاریخ نشرندن اعتباراً مرعی الاجرادر .

ماده : ۴ اشبو قانونک اجراسنه مالیه ناظری مأمورددر .

[قوة اجرائیه جه ۲۴ محرم ۱۳۳۳ و ۳۰ تشرین ثانی ۱۳۳۰ تاریخنده تنظیم و موقتاً موقع تطبیقه وضع اولنان اشبو قانون لایحه سی ۱۸ کانون ثانی ۱۳۳۱ تاریخنده مجلس عمومیجه تعدیل قبول ایدلشددر]

مجلس اعیان و مبعوثانجه قبول اولنان اشبو لایحه نك قانونیتی و قوانین دولته علاوه سنی اراده ایلدم . ۸ ربیع الآخر ۱۳۳۴ ۳۰ کانون ثانی ۱۳۳۱

محمد رشاد

صدر اعظم
محمد سعید

مالیه ناظر وکیل
طلعت

★
★

قانون جزانک یوز یتش طقوزنجی ماده سنک ۶ جادی الآخر ۱۳۱۹ تاریخی علاوه سنی معدل قانون [*]

ماده : ۱ قانون جزانک یوز یتش طقوزنجی ماده سنک علاوه سنی بروج آتی تعدیل ایدلشددر .

« اشبو ماده ده بیان اولنان فعل اون کوندن زیاده خسته لنی موجب درجه ده دکل ایسه تعقیبات اجرایی مضروب و مجروحك شفاهاً و یا تحریراً شکایتنه متوقفدر . حکم اکتساب قطعیت ایدنجه به قدر مضروب و یا مجروحك بوقیل ضرب و جرح دعوالرندن فراغتی حقوق عمومیه دعواسنك سقوطنی مستلزمدر .

ماده : ۲ بوقانونک حکمی اعلانی کوننک فرداسندن اعتباراً مرعی الاجرا اوله جقدر .

[*] تقویم وقایع ایله نشری تاریخی : ۲۴ ربیع الآخر ۱۳۳۴ و ۱۵ شباط ۱۳۳۱ نوهر و ۲۴۵۲

ماده : ۳ بو قانونك اجراسنه عدليه ناظرى مأموردر .

[قوة اجرائيه ۹ رمضان ۱۳۲۱ و ۳۰ تموز ۱۳۲۹ تاريخنده تنظيم وموقتاً موقع تطبيقه
وضع اولنان اشبو قانون لايحه سى ۲۸ كانون ثانى ۱۳۳۱ تاريخنده مجلس عموميه عينا قبول
ايدلشدر .]

مجلس اعيان ومبعوثانجه قبول اولنان اشبو لايحه نك قانونيتى وقوانين دولته علاوه سنى
اراده ايلدم . ۱۸ ربيع الاخر ۱۳۳۴ ۹ شباط ۱۳۳۱

محمد رشاد

عدليه ناظرى صدر اعظم
ابراهيم محمد سعيد

*

ه رجب ۱۲۹۶ تاريخلى اصول محاکات جزائيه قانونك ۲۳۰،۲۳۹،۳۰۸ نجى ماده لرني معدل قانون [*]
ماده : ۱ اصول محاکات جزائيه قانونك اوچ يوز يكرمى طتوزنجى ماده سى
بروجه آتى تعديل ايدلشدر :

« تميز استدعائيه سى ويرلدكي تاريخدن اعتباراً نهايت اون كون وراًساً تابع تميز
اولان اعلامات ايچون دخى حكمك صدورندن اعتباراً نهايت يكرمى كون ظرفنده مدعى*
عمومى اوراق دعوائى و طرفينك عرضحاللى وار ايسه آنلرى باش مدعى عمومىلكه
كوندره جكدرد . تميزى طلب اولنان ياخود وراًساً تابع تميز بولنان حكمى ويرن محكمه نك
كاتبى اوراق دعوانك بلاخرج برقطعه دفترني ياپوب اعلامه ربط ايدجك وخلافى حالنده
اوچ آتون جزاى تقدى اعطاسنه محكمه تميزجه حكم اولنه جكدرد . »

ماده : ۲ قانون مذ كورك اوچ يوز او توننجى ماده سى بروجه آتى تعديل ايدلشدر :
« باش مدعى* عمومى اشبو اوراق اخذندن اعتباراً اون كون ظرفنده محكمه تميزه
كوندره جك ومحكوم عليه اولانلر عرضحاللى و اعلام ايله تميز استدعائى اسباب موجه
لايحه سى صورتلرني طوغريجه محكمه تميز قلمنه دخى اعطا ايديه بيله جكلردرد . »

ماده : ۳ مذ كور قانونك اوچ يوز قرق بشنجى ماده سى بروجه آتى تعديل ايدلشدر :
« تدقيقات تميزيه نتيجه سنده تنظيم ايديلن اعلام محكمه تميز رئيسيله باش تميز طرفندن
مضى اوله رق باش مدعى* عمومى به اعطا اولتور . واورادن دخى حكم تميز بهى اعطا
ايدن محكمه ده بولنان مدعى* عمومى كوندريلور . »

ماده : ۴ قانون مذ كورك اوچ يوز سكرنجى ماده سى بروجه آتى تعديل ايدلشدر :

[*] تقويم وقايع ايله نشرى تاريخى : ۲۵ ربيع الاخر ۱۳۳۴ و ۱۶ شباط ۱۳۳۱ نومرو ۲۴۵۴

« محكمه تمیز تدقیق ایلدیکی جنایات اعلاماتی تصدیق ایلدیکی حالده باش مدعی عمومیک معرفتیه اعلامی ویرن محكمه نك مدعی عمومیلکنه تبلیغندن اعتباراً اوچ کون ظرفنده حکمی اجرا اولنور . اعلامات مذکورده دن اعدامه دائر اولانلر باش مدعی عمومی طرفندن عدلیه نظارتنه تقدیم واورادن دخی علی الاصول عرض عتبه علیاقلنه رق جزا قانوننك اون التجی ماده سی موجبجه اراده سنیه نك صدورندن صکره موقع اجرایه قونیلور . »

[قوه اجرائیه جه ۱۹ ربیع الآخر ۱۳۳۲ و ۴ مارت ۱۳۳۰ تاریخنده تنظیم وموقتاً موقع تطبیقه وضع اولنان اشبو قانون لایحه سی ۲۸ کانون ثانی ۱۳۳۱ تاریخنده مجلس عمومیجه تعدیلاً قبول ایدلمشدر .]

مجلس اعیان ومبعوثانجه قبول اولنان اشبو لایحه نك قانونیتنی وقوانین دولته علاوه سنی اراده ایلدم . ۱۸ ربیع الآخر ۱۳۳۴ ۹ شباط ۱۳۳۱

محمد رشاد

صدراعظم
محمد سعید

عدلیه ناظری
ابراهیم



شورای دولت تنظیمات دائره سنك ۴۸۶ نومرولو مضبطه سنك صدرتیدر :

حریبه نظارتندن بالتقدیم شورای دولته حواله بیوریلان ۲۹ اغستوس ۳۳۱ تاریخ ویدی یوز التمش نومرولی تذکره تنظیمات دائره سنده قرائت اولندی .
تذکره مذکورده ده اوقات خمسهدن برقسمنده وا کثرتله اخشام ویاتسو وقتلرنده بالفعل ایضای وظیفه ایدرک مأموریندن ویا اصحاب تجارتدن بولملری حسیله اوقات سائرده خدمات مودوعه لرینی وکیل ایله ایضا ایتدیرمکده اولان اصحاب جهات ایله برات عالی نی حائر اونقسزین اوقات خمسهدن یالکزر برایکی وقت ایچون بالفعل ایضای امامت ایتمکده اولانلرک استثنایه مظهریتی ایجاب ایدوب ایتیه چکنک تعیین واشعاری اولبایدکی اوراقل لقیله سبق ایدن استفساره جواباً اوقاف نظارتندن النان تذکرده ده اوقات معینه ومعتاده ده رأس وظیفه سنده بولنه رق ایضای خدمت ایدن ارباب جهاتک خدمت لرینی ترک ایتدیکه ویاخود شرعاً ونظاماً موجب عزل برحال وحرکت لری کورلمدیکه عهدهلرنده کی